

## Kirmesgedicht

von Karl-Heinz Piel

Tach zesamme he om Kermesmaat: "Set ür och all` do?"  
Ech lur mech ens öm un ech denken un saaren: "Alles kloor!"  
Dann schwätzen mer, wie fröher om Maat, natürlich uss Sprooch,  
die jedem Könd, bis hin zu dä Aale seit Jeburt aan och looch.  
Et ös user aal` Jillienberjer Platt - einije et noch schwätze;  
ejal op mer Platt noch kann, dä Klang ävver, dä jehet zo Hetze  
Ür verstoht nix? Dann hatt ür üvver 3 Daach Zick, dat noch ze liere;  
Weil, von hück bis Moondach donn mer he all` möt enander kräftich fiere.

Kirmesmaat möt Jillienberjer Rievkooche, datt hätt nit jeder Ort;  
un wer dat nit jlööv, soll probiere, he hin kumme un jehet nie widder fott.  
Und dä Jillies do ovven, der süht us met enem Laache noch zo.  
Dat et den enmool jovv,- do drüvver sen mer he wirklich all` froh.  
Er joof userem Dorf möt de Kirch, kloore Saach, och singe Namen;  
un do drüwver sen mer janz fruh,- „En Ewichkeet Amen!"  
Jekumme sin de Pastuur, de Bürjermeester, de Vereine un all die Lück.  
Mir sen jään he hin jejange, mir donn laache springe un drenke hück

Do drüwver freuen sich die Vereine, die an 3 Daach für üch do sin,  
dä MGV möt de SFA Aal Häre, un de Schausteller wäjen däm Jewinn.  
Sellews die Weetschaften öm de Maat, sofern se de Dür op maache,  
lossen dä leckere Saaf in et Jlas looven,- alles für et drenken un laache.  
On mer wessen all, et jitt doch nevvem däm Doosch noch vill doller Verzäll;  
weil mer emmer zom schwätze Eene fingk, un dat meistens janz schnell.  
Ob an dr Thek, em Zelt odder einfach em Jedräng om Maat  
Ävver pass op, et jehet schnell, dann bes de für „et heem john" parat.

Üvver allem waach der Turm on de Jlocke von uuserer Kirch do ovven;  
Rievkooche jelingen, Bier un Wing schmacken, -mir wääden de Jillies lowwen.  
Ene koote Blick erlauben mer us noch en de aal verstöbbte Kirmeshistorie.  
Für däm Kreech joof et och he en Pläsier- nur Hahnekirmnes sät mer für die.  
Mer hat zwar vill Tuffele kunnt en jedem Huushalt och Rievkooche maache,  
ävver für user Kirmes woren datt domols eenfach keen besondere Saache.  
Do dät mer beim Bier lewer ene halve Haahn en de Reppe deue,  
öm sich do noh op dä Danz bei Walzermusikk en de Weetschaft ze freue.

Beim Jeeschhuuse Heinchen, Cremerius Will, de Brüder Dahm öm de Maat,  
do dät mer klööne, danze, drenke, ääßen, - bis mer ze Fooß' op Heem aan maat.  
No däm schlemme Kreech jing et dann he om Maat su langsam widder loss,  
denn wer schwer arbeet om Feld, en Handwerk mät, och av un zo jet fiere moss.  
Un fiere könne mir Jillienberjer, dat wees he jeder, jo emmer joot.  
He em Dorf kütt einfach beim Bier, Wing un Schwaade keener zo koot.  
Dröm loss mer dat hück och widder esu maache;  
loss mer drenke, fiere, klöne, singe un laache.  
So, ür Honorationen jetzt freuen mir us, - haalt üre schöne Verzäll  
Früher hätt mer jesaat: "Hört gut zu Mägde und Gesell!"  
Ävver dann jeht et janz schnell an de Rievkooche, de Wing un et Bier.  
Mir wünschen us jood Wädder vill Spass un och ene Hoofe Pläsier